



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

XXVI. Bischof Joachim von Brandenburg gestattet dem Pfarrer zu Buckau und Bramsdorf bei Ziesar auf einem Theile des Pfarrhofes ein Wohnhaus für seine dereinstige Witwe zu erbauen, am 29. August 1556.

---

---

**Nutzungsbedingungen**

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

Jacob wegeners hof vnd hufen 14 scheffel rogken, auf Jasper prehnens hof vnd hufen 6 scheffel rogken, auf claus wolffs hof vnd hufen 1 wispel rogken, Auf Jasper albrechts hof vnd hufen 14 scheffel rogken, auf hans gozens hof vnd hufen 14 scheffel rogken vnd vf nies thielen hof vnd hufen czwei scheffel rogken, Leihen vnd reichen demnach gnannten lippolden von Arnim vnd feinen menlichen leibs lehnsrben solchen berurten rogken czu rechten manlehn, wie desselben recht vnd gewonheit ist, In kraft vnd macht dicz briefs, hinfurder geruglich czugeniessen vnd czugebrauchen, von vns, vnfern nachkhomen vnd menniglichen vngehindert, dargein ehr vns auch geburliche lehnspflicht gethan, diselben getrewlich czuordienen, vnd so oft di czu falle khomen, geburliche folge czu thun. Jedoch vns vnd einem jeden an feinen beweilichen rechten vnshedlich. Des czu vrkund haben wir vnser furthlich Ingesiegel ann dissem briefe willentlich hengen lassen. Der geben ist auf cziesar nach Christi geburt 1556 Jare, Sonnabends nach Bartholomei.

Aus dem Churm. Lehnscopial-Buche IX, 76.

XXVI. Bischof Joachim von Brandenburg gestattet dem Pfarrer zu Buchau und Bramsdorf bei Ziesar auf einem Theile des Pfarrhofes ein Wohnhaus für seine dereinstige Wittwe zu erbauen, am 29. August 1556.

Von gotts gnaden wir Joachim, Bischoff czu Brandenburg, Herzog czu Munsterberg in Schlesien czur Ollsen, Graf czu Glacz, Bekennen vnd thun kund mit dissem vnserm offen briefe fur vns, vnser nachkommen des Stiets Brandenburg vnd sonst allermeniglich, Das vns der wirdige vnser lieber andechtiger vnd getreuer Er Johann Melhorn, pfarher vnd Seelforger vnser kirchen Bugkow vnd Bramstorf vnderthenig furbringen vnd berichten lassen, Das got der Almechtige Im vnd seine hausfraw, In czeit er pfarher berurter kirchen gewesen, mit vielen Kindern begabt, Di noch alle kleine vnd vnerezogen, Nun were das einkhomen oder nuczung der pfarren so gering vnd klein, Das er sich dauon mit seinem weibe vnd kindern kaum erhalten vnd gar nichts hinderlegen konnt oder mocht, Des sich sein weib vnd kinder nach seinem abgange mochten czu freuen haben, Derhalben vnd domit sie vf den sal dennoch sein getreues vnd veterlich hertz spuren vnd mercken mochten, ehr aus veterlichen affect vnd czuneigung di vorforge getragen vnd gearbeitet, Inen ichts czuhinderlassen, Des sie sich czu trosten, Hat er vns darauf gancz demutig vnd vnderthenigk anfallen vnd bitten lassenn, wir wolten gnedig bewilligen vnd czulassen, Ime vonn pfarhose czu Bugkow eine kleine stelle czum haufe vnd kleinen gertlein, weil der Raum vorhanden, vor sein weib vnd kinder czubebawen, Des sie vf feinen todesal zugebrauchen hetten, Nemlich von der pfarn torweg an, bis an di scheune in di lenge vnd in di querr, wider von dem thorweg an bis an Jacob bussens haus, Jedoch deme nicht czu nahe gebawet wurde gebetten. Als wir nun gedachten pfarher, Inn ansehung seines trewen vleisses, Den er bei gemelter kirchen in di 12 Jhar her angewendet, auch furder thun wirdt, mit gnaden gewogen, haben wir angezeigten placz in eigner person besichtiget vnd besichtigen lassen, Vnd dho wir nun aus bericht der schulzen heider Dorffer auch der gotsleuten vornhomen, Ime solcher placz ane nachtheil der pfarn wol kont gegeben vnd czugeeigent werden, Sie auch selbst vor sich vnd der gemein darczu gancz geneigt gewesen, So haben wir darczu vnsern Consens vnd vorwilligung auch geben, Bewilligen vnd Consentiren darin hiemit kegenwertig In kraft dicz briefs, Also das mehernanther Ehr Johan Mel-

horn angezeigten vnd angewiessen placz vnd mit einem wonhaufe bebawen, bewonen vnd fur sich, sein weib vnd kinder erblich, von menniglichen vngehindert, Ires gefallens genieffen vnd gebrauchten muge sonder einigerlei dinfts beschwerung, Jedoch Jacob bullen nicht zu nahe gebawet werde. Vnd sollen auch sein weib vnd erben dauon den fleischzehend, wan di vorhanden, Jerlich czu geben schuldig sein, also dem pfarther alzeit czwei Jhar vnd das dritte alwege dem gotshaufe dofelbst, Nachdem auch vf mherberurter stelle ein klein schweinstal vorhanden, Ist bewilliget, das er den darauff behalten muge, Sol aber darkegen einen der grosse vfm pfarhofe wider bawen, oder do er dissen abbreche, dohin feczen lassen. Alles getreulich vnd vngeferlich. Vrkundlich des. haben wir vnser Ingesiegel an dissen briefe wissentlich hengen lassen. Der geben ist vf cziefar, Nach Christi vnfers lieben hern geburt 1556 Jhare, Sonnabends nach Bartholomei. Vnd sein folgende von di gemein hiebei gewesen: Marcus heise vnd Andreás hufener, beide schulzen, kilian Matthias vnd Borchart heftler, differ czeit gotsteute.

Nach dem Churm. Lehnscepiat-Buche IX, 76.

*[Faint, illegible text, likely bleed-through from the reverse side of the page.]*